



Ministarstvo zdravstva KS

ZZO KS

Predmet: Zastupničko pitanje za 17. radnu sjednicu SKS

Upućujem zastupničko pitanje za ZZO KS radi uvida u izvršenje budžeta za 2024 godinu koji se odnosi na stavku kojom su osigurana sredstva za liječenje teško oboljele djece zaključno sa 20.11.2024 godine. Program za finansiranje dijagnostike i liječenja teško oboljele djece do 18 godina sa područja Kantona Sarajevo koji se realizuje iz budžeta ZZO KS osmišljen je kako bi stvorio uslove za liječenje naših najmlađih sugrađana i van Kantona Sarajevo.

Svjedočimo sve češćem prikupljanju sredstava za liječenje teško oboljele djece putem društvenih mreža, SMS poruka i slično. S tim u vezi želim izvršiti uvid u potencijalne prepreke procesa usluge zdravstvene zaštite koju pruža ZZO KS po pitanju liječenja teško oboljele djece. Tražim da mi se dostave informacije o broju djece koja su dobila priliku za uslugama zdravstvene zaštite kao i broj odbijenica uz obrazloženje zašto se nisu ostvarile usluge zdravstvene zaštite.

Obrazloženje:

Skupština Kantona Sarajevo usvojila je budžet ZZO KS za 2024 godinu i sredstva u vrijednosti od dva miliona KM osigurana za liječenje teško oboljele djece van Kantona Sarajevo, u Federaciji BiH, BiH i izvan zemlje.

Za procjenu upućivanja ove djece na liječenje van Kantona Sarajevo nadležna je Komisija, tim ljekara stručnjaka iz relevantnih medicinskih oblasti. Ukoliko Komisija procjeni da bolesno dijete nije moguće liječiti u Bosni i Hercegovini, tada se dijete upućuje van zemlje radi dobijanja potrebnih zdravstvenih usluga.

Izvršenje budžeta na ovoj poziciji će ukazati koliko je ZZO KS ostvario usluga zdravstvene zaštite i koliki su stvarni učinci. Ovakva analiza može koristiti za potencijalne izmjene u pristupu rada Komisije kako bi poboljšali kvantitet i uslugu zdravstvene zaštite za teško oboljelu djecu.

U Sarajevu,
26.11.2024 godine
Marijela Hašimbegović dia
Zastupnica